





金湯傳

卷之十一

大江要選

卷之十一

卷之十一

卷之十一

卷之十一

卷之十一

卷之十一

卷之十一







金湯借箸目錄卷之十二

水戰部

有引

大江要道

總引

舟戰

大勝小

戚繼光說

韓世忠海艦

虞允文海鱗船

陳友諒巨舟

堅勝脆



廣船

順風勝逆風

錢傳瓘反逆爲順

李寶祈風助順

順流勝逆流

李神福沂流還擊

防淺

吳權鐵杙

鄱陽湖舟膠淺沙

俞通海議入江



防砲

劉基躍起更舟

防火

張世傑戰艦皆塗泥縛長木以拒火

防風

厓山颶風大作  
兩頭船

防覆

海鷗左右置浮板

防鑿



舟用夾底

舟製

輪舟

楊木<sup>太</sup>以輪激水

虞允文踏車行船

飛輪駕海舟圖

神飛火輪舟說

神飛火輪舟圖

鷹船說

鷹船圖

沙船

叭喇唬船

叭喇唬船圖

開浪船



八槳船

漁船

走舸

蒙衝

無底船

子母舟

子母舟圖

連環舟

連環舟圖

水筏

水戰之師

舵工

水兵

泅人言文達

泅人司馬福

張永德用泅人繫舟



劉錡用洄人鑿舟

張貴用洄人赴郢

趙善湘練浮水軍

水戰之器

欄火飛篷

應用法藥

製法

又製篷索藥方

欄火飛篷圖

飛波甲

飛波甲式

索籥

索籥式

護腎護脚



器式

水馬

火箭

火飛爪

火飛爪式

火桶

火桶式

朝腦水香才

石油

江豚油

逆風火藥

火種方

水老鴉

鈎鐮

鈎鐮式

撿鈎

撿鈎式

拍竿

鐵綆

鈎距

水戰附攷

周瑜焚曹操

俞通海焚陳友諒

兀术火箭焚海舟

劉裕分步騎于西岸破盧循

桂杜惠度步兵夾岸破盧循

侯瑱就順風

章昭達據上流

吳為鐵鎖截江王濬破之

魏為橋柵跨淮馮道根破之



梁以竹筴聯艨艟斷河李建及破之  
歐陽紇以竹籠盛沙石置水過船昭達破  
之  
魏以鐵鎖斷河

崔延伯以車輪斷淮

王僧辨以大艦斷江

王軌以鐵鎖貫車輪斷清水

浮梁渡江

兵夫列船式

總引

平時立船閱視圖

每船器械  
各兵自備

捕盜自備



金湯借箸卷之十二

京口

周

鑑臺公甫

輯著

淮南

李長科小有甫

較訂

同郡

王孟申元嶽甫

叅閱

水戰部

茲者奴賊深侵。所至殘破。大江以南。獨稱安  
土者。徒恃此一衣帶水耳。故愚謂今日之務。  
水戰急于陸戰。守江重于守城。謂天塹不足  
恃歟。則魏武困于居巢。曹丕困于濡須。拓拔



困于瓜州符堅困于淝水矣。謂徒險果足恃歟。則杜預嘗襲樂鄉胡奮嘗入夏口。賀若弼嘗涉廣陵。曹彬嘗渡采石矣。信乎振險者勝。恃險者亡也。予嘗取長江圖按之。竊見大江之南。上自荆岳。下至常潤。不過十郡。十郡之間。其要不過七渡。上流最緊者三。荆南之公安。石首岳之北津。中流最緊者二。鄂之武昌。太平之采石。下流之最緊者二。建康之浦口。鎮江之瓜州是也。若江上無虞。則城內居民。



皆可安堵如故。倘輕棄天險，聽其投鞭坐守，  
孤城譬如鼠入穴中，立受偏仄而東南數郡，  
皆有燎原標木之憂，乃失策之甚者矣。故予  
兢兢以防江為今日戰守之要策也。昔曹操  
遺孫權書，欲治水軍與之會獵於吳。張昭等  
曰：操得荊州水軍，蒙衝鬪艦浮以沿江，長江  
之險已與我共之矣。周瑜曰：操捨鞍馬伏舟  
楫，遠涉江湖，不習水土，禽操宜在今日。若木  
戰修明鑑素志謂擒奴亦宜在今日矣。輯水戰



# 大江要道

## 總引

以歷代史考之。舟師可以進戰之處。東南之師。趨三齊者。自淮入汴而止。劉裕伐南燕。舟至下邳是也。趨河北者。自汴入河而止。桓溫伐燕。至枋頭是也。捨舟登陸。尚得半利。趨關中者。自河而入。徑至長安。王鎮惡以蒙衝小艦。至渭橋是也。水陸並進。可得全利。此皆以舟師進者也。若夫舟師可以守之處。塞建平之口。使自三峽者。



不得下此王濬伐吳楊素伐陳之路也據武昌  
之要使自漢水者不得進此何尚之所謂津要  
根本之地也守采石之險使自合肥者不得渡  
蓋韓擒虎嘗因以滅陳也防瓜步之津使自盱  
眙者不得至蓋魏大武欲道此以寇宋也扼其  
要害使不得進此皆以舟師守者也

## 舟戰

大勝小

戚繼光云福船廣大如城非人力可驅全仗風

周臺公曰舟  
固以大勝小  
矣但無風則  
大舟不能轉



動小舟進退  
如意反可以  
勝大矣此兀  
木所以破世  
忠海艦也必  
大小兼備然  
後可

勢倭船自來矮小如我之小艙船故福船乘風  
下壓如車碾螳螂鬪船力而不鬪人力是以每  
每取勝

近日劉香老輩俱有廣東極大之船奈何

金兀术入寇韓世忠與相持於黃天蕩世忠以  
海艦進泊金山下將戰海舟乘風使蓬往來如  
飛兀术大敗

宋虞允文及金主亮戰于江中部分甫畢敵已  
大呼亮操小紅旗麾數百艘絕江而來瞬息抵

南岸者七十艘直薄我軍士殊死戰官軍以海  
鱗船衝敵舟皆平沉敵半死半戰日暮大敗  
陳友諒圍南昌上親督舟師三十萬往援之  
友諒解圍東出鄱陽湖逆戰友諒悉以巨舟連  
鎖爲陣旌旗樓櫓望之如山我軍舟小怯于仰  
攻往往退縮上不懌親執旗四麾右師小卻  
上命斬隊長而下十餘人猶不能止時郭興侍  
側趨進曰彼舟如此大小不敵非人不用命也  
臣愚以為非火攻不可上然之卽命常遇春



諸將分調網船載蓐茨置火藥其中至晡時東北風起乘風縱火焚其戰艦數百艘煙焰漲天十里之間湖水盡赤友諒弟僞王陳友仁陳友貴及平草陳普略等皆焚死

### 堅勝脆

廣船視福船尤大其堅緻亦遠過之蓋廣船乃鐵力木所造福船不過松杉之類而已二船在海若相沖擊福船卽碎不能當鐵力之堅也倭夷造船亦用松杉之類不敢與廣船相沖

順風勝逆風

反逆為順妙哉

吳越王鏐遣其子傳瓘擊吳。吳遣彭彥章拒之。戰于狼山。吳船乘風而進。傳瓘用兵避之。既過。自後隨之。吳回船與戰。傳瓘使順風揚灰。吳人不能開目。及船舷相接。傳瓘使散沙于已船。而散豆于吳船。豆為戰血所漬。吳人踐之皆僵仆。因縱火焚吳船。吳兵大敗。

金亮遣蘇保衡統水兵繇海道將趨二浙。李寶舟師至東海縣。時虜圍海州。寶麾兵登岸。虜驚。



引去寶與子公佐引舟師至密之膠西石白島  
而虜舟已出海口泊唐島相距止一山候風卽  
南不知王師猝至寶禱于石白祈風助順因寅  
風雨南來衆喜爭奮引帆俄頃過山薄虜虜驚  
失措虜帆皆以錦纈爲之彌亘數里忽爲波濤  
捲聚一隅窮促搖兀無復行次寶以火箭射之  
烟焰隨發延燒數百艘火不及者猶欲前拒寶  
命健士登其舟以短兵擊刺殪之降者三千人  
獲完顏鄭家奴六人斬之

順流勝逆流

吳李神福自鄂州東下田頔遣其將王壇汪建  
將水軍逆戰神福謂諸將曰彼衆我寡當以奇  
取勝及暮合戰神福自敗引舟沂流而上壇建  
追之神福復還順流擊之因風縱火焚其艦壇  
建大敗士卒焚溺死者甚衆

防淺

吳權舉兵攻皎公羨于交州漢主命其子弘操  
將兵救公羨權引兵逆戰先于海口多植大杙



統其首。冒之以鐵。遣輕舟乘潮挑戰。而僞遁。須臾潮落。漢艦皆礙鐵杖。不得返。漢兵大敗。士卒澶溺者大半。弘操死。漢主慟哭。收餘衆而還。上討陳友諒。大戰於鄱陽湖。上屢瀕於危。所乘舟偶膠淺沙。賊乘勢攻之急。欲犯。上舟一時諸將計無所出。帳前親兵將韓成進曰。古人有殺身以成仁者。臣不敢愛其死。遂服。上袍冕對賊衆投水中。城信之。攻稍弛。會諸將兵至。援之。賊始退。

上與陳友諒戰於鄱陽湖。敵兵大敗。友諒欲退。  
保鞋山。我師先至罌子口。橫截湖面。邀其歸路。  
友諒不得出。是夕。我舟渡淺于左蠡。與友諒相  
持者三日。俞通海與衆議曰。湖水有淺處。舟難  
迴旋。不利于戰。莫若入江。據敵上流。彼舟若入。  
卽成擒矣。劉基亦密言于上。請移軍湖口。期  
以金木相犯。日決勝。上從之。敵見我水陸結  
寨。不敢出。糧盡。益窘。繞下流欲道通海。追敗之。

## 防砲



翻陽之戰 上亦屢瀕于危而後安一日與友  
 諒鏖戰劉基在御舟忽躍起大呼 上亦驚起  
 回顧但見基雙手揮之連聲呼曰難星過可更  
 舟 上悟如其言更之坐未半晌舊舟已爲敵  
 砲擊碎矣

周臺公曰砲勢猛烈備禦爲難但知以水尅  
 火以柔制剛之法庶可無虞矣

防火

元張弘範襲厓山張世傑結大舶千餘作一字

陣碇海中。中艚外舳貫以大索。四周起樓棚如城堞。奉帝居其間。爲死討。弘範簿之。世傑舟堅不能動。弘範乃舟載茅茨沃以膏脂。乘風縱火焚之。世傑戰艦皆塗泥縛長木以拒火。舟不熱。弘範無如之何。

### 防風

宋張世傑與元張弘範戰于厓山。世傑兵潰。陸秀夫負帝赴海死之。世傑復收兵至海陵山。散潰稍集。謀入廣。颶風大作。將士勸世傑登岸。世



傑曰無以爲也登柁樓露香祝曰我爲趙氏亦  
已至矣一君亡復立一君今又亡我未死者廢  
幾敵兵退別立趙氏以存祀耳今若此豈天意  
邪風濤愈甚世傑墮水溺死諸將函其骨塋潮  
居里

周臺公曰兵法云凡戰背風軍勢就順風之  
于戰乃極明淺極切要者也今自借口習天  
官者多矣及問以某日有風某日無風某日  
風起何角皆懵然莫辨嗟乎以區區有聲有

氣之物尚不能知反欲指說冥漠妄言禍福孰令聽之哉

按大學衍義補有兩頭船之說蓋以海運爲船巨遇風懼難旋轉西頭製舵遇東風則西馳遇南風則北馳海道諸船無逾其利蓋武備不嫌於多慮患不妨於遠莫爲之前猶將求之而況設之前者有未泯乎以此衝敵則賊舟雖整可亂也

防覆



海鵠者船形頭低尾高前大後小如鵠之形舷  
上左右置浮板形如鵠翅助其船雖風濤怒漲  
而無側傾覆背左右以生牛皮爲城牙旗金鼓  
如常法

防鑿

舟用夾底廢可無虞

舟底有用釘者

舟製

輪舟

岳飛破楊太於洞庭。太時與劉豫通。負固不服。方浮舟湖中。以輪激水。其行如飛。旁置橦竿。官舟迎之。輒碎。

金主亮既至江北。掠民船。指麾欲濟。虞允文伏舟於七寶山後。令曰：「旗舉則出。」伺其半渡。卓旗於山。人在舟中踏車以行。船但見船行而不見人。遂壓虜舟。人馬皆溺。此亦致勝之繇也。

丘瓊山先生曰：「舟之大者。非風不行。而行風必以帆。帆之製。非弱葉與竹篾。則布濶之以



火箭射之無不焚者然則如之何而可曰楊  
么之舟以輪激水雖無風亦可行也巧思者  
能師其意倣而製之則雖無風不用帆亦可  
行矣

飛輪架海舟






神飛火輪舟

陸戰用車騎水戰用舟船一定之制也。艨艟戰船武經自有圖式。惟此船之式狀類海船。周圍以生牛草爲墮<sup>障</sup>。或剖竹爲笆以擋矢石。上留銃眼。箭眼看以擊賊。上中下分爲三層。首尾設暗倉以通上下。中層鋪用刀枚釘板。兩傍設飛槳。或輪乘浪排風。往來如飛。募泅人以爲水手。遇賊詐敗棄而與之。精兵暗伏艙下。泅人赴水而走。待賊登船。機開一轉。賊皆翻入中層。刀釘板。

上可以就而戮之矣。若衝入賊船隊內，兩旁暗  
伏火器，左衝右突，勢不可當。用此船一號，足抵  
常用戰船十號。顧用之者在得其人耳。



# 神飛火輪舟式




鷹船

崇明沙船可以接戰。但上無壅蔽。火器矢石。何以禦之。不如鷹船。兩頭俱尖。不辨首尾。進退如飛。其旁皆茅竹板。密釘如福船。旁板之狀。竹間設窻。可出銃箭。窻內隱人。盪槳。鷹船沙船乃相湏之器也。



鷹 船 式



沙船

沙船能調戩使闢風

太祖舊制深嚴雙桅船隻私自下海之禁承平既久法度侵弛不但雙桅習以爲常甚有五桅者長江大帆一日千里者從權取而用之但于兩舷增設戰柵以爲蔽衛亦利水戰

以上諸船皆用以戰敵者也

叭喇唬船

叭喇唬船浙中多用之福建之烽火門亦有其



十四  
製底尖面濶首尾一樣底用龍骨直透前後濶  
約一丈長約四丈末有小官艙艙面兩旁各用  
長板一條其兵夫坐向後而棹槳每邊用槳十  
枝或八枝其疾如飛有風豎桅用布帆亦能破  
浪甚便追逐哨探倭奴號曰軟帆賊亦畏憚

按福建船有六號一號二號俱名福船三號  
哨船四號冬船五號鳥船六號快船福船勢  
力雄大便於冲犁哨船冬船便於攻戰追擊  
鳥船快船能狎風濤便於哨探或撈首級大

喇 党 船

小兼用俱不可廢船  
制至福建備矣





開浪船

以其頭尖故名喫水三四尺四槳一櫓其行如飛內可容三五十人不拘風潮順逆皆可用也

八槳船

此船不能擊賊但可供哨探之用今閩廣浙直皆有之

宋趙善湘知鎮江製多槳船五百艘無論風勢逆順捷疾如飛

漁船於諸船中制至小材至簡工至約而其用  
為至重何也以之出海每載三人一人執布帆  
一人執槳一人執鳥嘴銃布帆輕捷無墊沒之  
虞易進易退隨波上下敵舟瞭望所不及是以  
海上賴之取勝擒賊者多其力焉

以上諸船皆用以哨探者也

走舸用十四槳

走舸者船舷上立女牆棹夫及戰卒皆選勇力  
精銳者充往返如飛鷗乘人之所不及金鼓旌



旗在上。

蒙衝

蒙衝者以生牛草蒙戰船背左右開掣棹空矢石不能敗前後左右有弩窻矛穴敵近則施放此不用大船務在捷速乘人之不備

宋武帝北伐王鎮惡請率水軍自河入渭直至渭橋鎮惡所乘皆蒙衝小艦行船者悉在艦內沂渭而進艦外不見有行船人北上素無舟楫莫不驚以為神

無底船

襄城之圍張貴為無底船百餘艘中豎旗幟各  
立軍士于兩舷以誘之敵皆競躍以人溺死者  
萬餘亦昔人未有之奇也宣于夜在戰誤敵未有過于  
此者

其法以三舟聯為一舫中一舟裝載左右舟  
則虛其底而掩覆之

以上諸船皆用以掩襲者也

子母舟



子母舟長三丈五尺。前二丈如艦船樣。後一丈五尺。只有兩邊幫板。腹內空虛。後藏一小舟。通連一處。亦有蓋板掩人。兩邊四棹。前母船使風。棹槳。艙內裝茅薪。置火藥。船頭兩脰俱用狼牙釘錠。鋼尖快利。一抵彼船。即將母船發火。與彼并焚。我軍後開子船而歸。

子 母 舟 式

卷之十二






## 聯環舟

其舟約四丈許外視之若一舟分則為二舟中  
聯以環前截載大砲神炮神砂毒火等器舟首  
錠大倒鬚釘數枚後截兩旁施數槳載兵士遇  
賊或乘順風或自上流相機徑趨賊營以舟首  
釘撞於賊舟之上前環自解後截則回乘賊心  
驚惶用器擊之廼水戰之奇策也環者大鐵圈  
兩箇錠前截後截用鉄鈎兩箇鈎住撞於賊船  
則放其鈎而後截即回本寨也

聯環舟式

以上諸船皆用以焚燒者也





## 木筏

焚敵之船莫如火。碎敵之船莫如砲。但大砲用於船上恐未損人反先損已。自碗口大之上不敢放也。今宜造木筏不拘若干座。式用整木縱橫平底。風不可審。水不可沉。上安木架極其堅固。量其高過於敵船于桅陰之處平排如堵。下安椿木以識之。用神器照賊來路打去。計步數若干。遠將打到之地亦用椿木識之。其戰船居于木筏之後五十步之外以防其坐。筏上以繫

被遮蔽于前將二三十具一字排列賊船遠望  
不啻城牆莫測其中之虛實伺看賊船將入吾  
原識椿木浮板步數之內將絮被用活機疾速  
放落而走舸之人將筏扶正用諸火器照賊打  
去次第制之以二三十座之筏一齊擊發賊船  
未有不損者可以禦可以守乃水戰之必須者  
也 砲之信藥皆用柿油等紙封固以防水氣  
潮濕

此用以守者也



尚臺公曰一水洋洋了無界隔以此為守宛如限帶封域矣兵法所云先為不可勝以待敵之可勝者此也

### 水戰之師

#### 舵工

周臺公曰一船之命盡係舵工一人必擇練達長年善知風頭熟諳水勢者充之再置副貳以防踈虞糧賜俱宜從優有功先加頒賞

潤昔有高弁名應奎者以善捕盜聞東南嘗

爲于言每遇寇必親以手拊柁工兩鬐若其  
股戰髀慄必別擇有膽氣者代之蓋以懼奪  
其神則東西易向必至誤事真歷練後之語  
也附識此

### 水兵

沿海鹽徒儘可逕用其次水兵奇妙如浙之七  
里瓏併金山寺下漁人俱能朝入水暮方出白  
晝水底鑽船致敵舟之沉溺黑夜抽幫起旋致  
賊師之失隊其次則南直以販賣私鹽者人船



輕便。且習風濤。黑夜潛行。駕棹如飛。用以出奇。  
偷營偵探。是一策也。

泗人言文達

魏中山王英與楊大眼等衆數十萬攻鍾離。梁  
主勅曹景宗救之。景宗慮城中危懼。募軍上言。  
文達等潛行水底。齎勅入城。城中始知有外援。  
勇氣百倍。

泗人司馬福

淮南兵圍蘇州。吳越王鏐遣錢鏐等救之。蘇州

有水通城中。淮南軍張綱綴鈴懸水中。魚鯿過  
皆知之。吳越司馬福因潛行入城。故以竿觸網。  
敵聞鈴聲舉網。福因得過入城。由是城中號令  
與援兵相應。敵以爲神。

張永德用汭人繫舟

周師攻吳壽州。吳人大發樓船蔽川而下。泊于  
濠泗。周師頗不利。永德使習水者沒其船。下繫  
以鉄鑠。急引輕舫拏之。吳人船不得進退。溺者  
甚衆。奪巨艦數十。永德解金帶賞習水者。



劉錡用汭人鑿舟

宋劉錡以兵駐清河口拒金師金人以擅畏船載糧而來錡使善沒者鑿沉其舟

張貴用汭人赴郢

宋張貴入襄陽呂文煥固留共守貴恃其驍勇欲還郢乃募二士能伏水中數日不食使持蠟書赴郢求援元兵增守益密水路連鎖數十里列撒星椿雖魚蝦不得度二人遇椿卽鋸斷之竟達郢還報

# 浮水軍

宋趙善湘知鎮江教浮水軍五百人常以黃金  
沈之江使探得者輒予之於是水藝極精練能  
潛行水底數里又製多槳船五百艘無問風勢  
逆順捷疾如飛赤烏白鷄二大舟每舟可載二  
千人依八陣爲法每一蒐閱舟艦參錯雜以浮  
水諸軍履波濤爲部伍角伎奏樂如陟康莊  
周臺公曰水戰之法與其死戰賊于舟上不  
如陰制賊于舟下蓋以角力尚互有勝負運



奇則操術萬全也。與其破賊之卒，不如破賊之舟。蓋以破卒尚斬獲有限，破舟則死亾無算也。然收功全在洄人。爲將者宜預爲簡別，厚加撫養，勤爲練試，以備不時之用。中流一壺千金車之矣。

## 水戰之器

### 攔火飛蓬

水戰之制，莫要于蓬帆。何也？陸戰皆實地，設有不虞，再謀生路。江河湖海之間，四面波濤，蓬帆

一沾火藥則三軍之命休矣必用晉石蜂脂熬  
潰為水將竹篾箬葉麻索藤繩或布浸之晒乾  
再浸務令極透編造蓬帆大書飛龍天兵為號  
則火箭火毬火牡丹等件沾染不着吾兵可保  
無虞而進可克敵矣此水戰之要具也

### 應用法藥

晉石 出山西透明者佳  
脂蜜 出閩地者佳

### 製法

晉石 十斤  
蜂脂 三斤  
水 五斤  
再浸再晒以



不染火爲度。

又製蓬索藥方

每白礬十斤皮硝五斤梔子四斤爲末入  
水五斗熬三五沸刷在蓬索上以防雨火  
也。

# 攔火飛蓬式

以	書
便	某
軍	部
中	第
觀	幾
望	號



飛波甲

水戰之具固多而用胄之制爲要用紬絹爲裡  
瓠板爲甲砌如魚鱗先用礬水浸透晒乾用或  
以鵝鴈翎編疊爲甲浮行水面駕浪乘風頃刻  
數十里水不沉溺而長江大河之險不足慮也  
武經有羊皮水袋浮罌等製不如此妙

飛 波 甲 式



卷之十二




掩陰



橐籥

潛伏水底用銀打造法物約長一尺上分兩竅  
管塞于鼻下合一管噙于口中蓋人之被溺以  
水隨呼吸而入故也能使口鼻之氣上下往來  
可保無虞



橐籥式



# 護腎護脚

用椰瓢漆黑以護腎囊用帛帶繫于腰內漆絹裹脚底蓋腎囊與脚底湧泉穴入水其紅如火惡魚水獸望光而來斯傷其命護之則光不現而害可免亦水戰之必備者

## 器式





# 水馬

水馬之法用黃藤造一水馬腰似斗粗下用四足橫出水上其馬頭高一尺遮前浪馬尾高一尺遮後浪各虛其中外用布裹堅漆栓一轡鑿人騎其中以便攀扯馬頭另外安插中空一段可藏乾糧定備三日之用有此一物則人人膽壯其體不重船中易載再用綿裹上用匏片爲甲葉匏取其浮綿取其水濕可禦矢石傍跨堅木短橈一件橈首用鉄爲刃可爲戟具而橈桿

更防水中毒  
勿傷人亦有  
制之方

之中可藏小刀一口以備急用雖船損落水猶  
可以戰予每見江海舟人有幼子各繫一整匏  
於其背以防一時之溺今將水帶亦用黃藤編  
輯至於兩掖惟一扁層或以皮聯之取其不碍  
戰聞至於負之背上者少加大焉而胸前次之  
各用布漆不惟便於水且利於戰若腰繫此帶  
而更騎水馬則沉溺之患可保無虞矣

### 火箭

火箭之用其勢猛其力大敵見生畏過於弓弩



善造者可得六七百步之遠。然造之不易。一枝約打二萬鎗。方能濟頭上。須用回火。約十分之二。因火箭力大。而帆蓆之薄。一射徑過。無益于焚故耳。如尚慮透過。當離火門之下。一二寸處。用竹扎十字交叉。以阻留之。水戰方可焚帆。陸戰方可焚寨。其竹鐵交接處。須用觔纏堅固。用漆漆過。其翎花亦用漆下方。耐風雨濕氣。此火箭之制也。至於今時之用。見敵惟圖高遠放去。敵望而避之。甚易。是以有用之物。而施于無用。

之地甚可惜也南方之製多聚百枝或三五十枝裝入一籠內名曰一窩鋒又曰火籠少者九枝曰九龍筒或其狀差小者名曰湧箭馬上亦可施放各立名色甚多其寔一而已矣


### 火飛抓

賊船若在百步外用火箭射之矣如近十數步之內或焚其帆或焚其竈棚并火飛抓不可其制用可車之水車作棒槌形自頂上人刀將內中車空入明火藥裝滿週圍共掏七八孔以出



火又週圍用倒鬚釘釘之外以油紙糊之以避  
雨濕臨敵用手擲去或高釘帆上可以焚帆或  
釘入人身可焚而走釘入竈棚可以延燒此外  
焚帆無奇策矣然則火飛抓之妙不獨水路焚  
帆可用如陸戰令持諸器者各帶一具臨戰之  
時前面用長兵相抵後面短器手點火擲中敵  
人無不奪氣而走者惟知機之將臨時變通之  
而已此亦亂而取之之意也

火 飛 抓 式






# 火桶

用木桶可容一斗者每桶先入藥五斤平平鋪定上用薄沙土一層覆之將粗碗一隻內用灰埋火二三塊平平閣在桶內沙上裝完雙手平舉輕輕落下彼舟火激藥發全舟盡焚此器無藥線長短之失遇激便燃不及返擲我舟必臨用時方裝火碗裝入火碗就要擲去不可留在我舟恐碗熱藥燃又恐忙中忘之或爲物件手足所觸動反害本船用時必付平日習熟試過

者臨陣方得從容不致錯亂誤事

# 火 桶 式





朝腦水秀才

隔河放砲擊賊藥內湏加朝腦水秀才無此二樣鉛子不能過水船上用砲亦當用此二樣以防水氣

石油

四川有石油者和藥可入水不滅若以石油造成藥團藏火器中借火器一發之力而石油之火崩散於船蓬船船之中掩敵不備駭目驚心縱以水救之而石油不畏水愈救愈熾其焚必

矣若以兵襲之無不勝者

### 江豚油

江豚在水中能逆風逆浪而上故其油能逆風可合石油共爲藥

逆風火藥風逆愈勁煙燄蔽天歌曰

狼糞多收并艾朮須教加入江猪骨骨煨爲灰肉煉油油拌硝硫灰性烈晒焙須當用極乾逆風愈勁真奇絕還當二八配分明火攻陣裏神仙訣



狼糞

艾朮

江豚骨

江豚油

硝火

硫火

箬灰

樺灰

杉灰

斑猫

### 火種方

不木灰

一斤

鐵衣

三兩

炭末

二兩

麩皮

三兩

紅棗肉

六兩

略拌米泔為餅每兩管一月

### 水老鴨


流賊劉七等舟泊狼山下蘇人有應募獻計用火攻其名水老鴨藏藥及火于掇水中發之又為製形如鳥喙持之入水以喙鑽船而破之

以自運轉轉透船可沉試用之已破一船賊駭  
謂江南兵能水中破船是神兵也乃捨舟登山  
遂為守兵所蹙

### 鈎鑷

舟中或割其繚或勾其船或割其棚間繩索必  
不可少須竹長而輕刀彎而利乃得寔用

### 鈎鑷式





# 撩鉤

兩船犁沉賊舟用此撈級或勾搭賊舡使不得去或勾撩索以牽其棚舟中必不可少者但須勾粗銷固十數人扯拽勾萬鉤而不曲乃可勾柄長手執難以着准須用三勾一搭卽得粘掛也

## 式 鉤 撩



# 拍竿

拍竿者施于大艦之上。每艦作五層樓，高百尺，置六拍竿，並高五十尺。戰士八百人，旗幟加于上。每迎戰，敵船若逼，則發拍竿。當者船舫皆碎。隋高祖命楊素伐陳，自信州下峽，造大艦，名五牙。艦上起樓五層，高百餘尺。左右前後置六拍竿，並高五十尺。容戰士八百人，旗幟加于上次。曰黃龍。置兵五百人。又乘舳舻等，各有差。軍下至荊門，陳將以艦拒。素素令乘五牙四艘逆戰。



船近以拍竿碎陳十餘艦遂奪江路  
楊太與劉豫通負固不服方浮舟湖中以輪激  
水其行如飛旁置撞竿官舟迎之輒碎

### 鉄綆

兀术欲北渡韓世忠與之相持於黃天蕩世忠  
豫以鉄綆貫大鈎授健者明旦敵舟謀而前世  
忠分海舟為兩道出其背每綆一綆則曳一舟  
沉之兀术窮蹙

### 鈎距

楊銳守備九江安慶諸郡。聞寧濠變，作先引軍設鉤距于江側，禁勿泄。比寇至，船二百餘艘抵岸，爲鉤距所破。

總評 以上皆水戰利器也。然勝在於敵人  
之不及知，事敗於吾軍之不能秘。事機之無  
窮，一或不密，則我之所以制敵者，敵反得以  
制我矣。公孫述拒岑彭，述爲浮橋，擡鉤以拒  
彭之船纜，其術似矣。未幾，彭乃預知，縱火焚  
橋，鉤而述兵以敗。韋昭達征嶺南，賊爲竹籠



盛沙石以拒昭達之舟楫。其智非不巧也。不知昭達得以預知。使士卒持刀砍籠而賊兵以潰。吳人之禦晉可謂得策。然鐵鎖截船之術。一泄而不能免。王濬捲大筏火拒之。燒是皆敗於輕泄而貴于善秘也。

### 水戰附攷

#### 周瑜焚曹操

曹操伐吳。周瑜與劉備進。與曹操遇於赤壁。瑜部將黃蓋取蒙衝鬪艦十艘。載燥荻枯柴。灌油。

其中裹以帷幙上建旌旗豫備走舸繫於其尾  
時東南風急蓋以十艦最著前中江舉帆餘船  
以次俱進去北軍二里餘同時發火火烈風猛  
船往如箭燒盡北船延及岸上營落烟焰漲天  
瑜等率輕銳繼其後雷鼓大進操軍敗退

俞通海焚陳友諒

陳友諒圍南昌上率通海等西援友諒解圍  
東出鄱陽湖逆戰通海乘風棹七舟載葦置火  
藥入敵水寨焚其戰艦數百獲友仁友貴賊稍



退時通海舟深入敵寨鏖戰久之不復見意通  
海戰沒少頃飄飄遶出敵舟傍我師見之大喜  
躍呼奮前大敗敵

### 兀术火箭焚海舟

海艦

金兀术入寇韓世忠與相持於黃天蕩世忠以

海艦進泊金山下將戰世忠預命工鍛鐵相連

長綆貫鉤為長綆貫一大鉤以授士之驍捷者平日虜以

舟謀而前世忠分海舟為兩道出其背每綆綆

曳舟

則曳一舟而入虜竟不得濟兀术見海舟乘風

使篷往來如飛謂其下曰南軍使船如使馬奈

何乃募人獻破海舟之策於是閩人王姓者教

舟中載土  
穴板擢槳

其舟中載土以平板鋪之穴船板以擢槳俟風

火箭射篷

息則出海舟無風不可動也且以火箭射其篷

篷則不攻自破矣兀術然之刑白馬以祭天及

天霽風止兀術以小舟出江世忠絕流擊之海

舟無風不能動兀術令善射者乘輕舟以火箭

射之烟燄蔽天師遂大潰焚溺死者不可勝數

水戰用舟大  
小患濟兀術  
止有小舟歸  
世忠止有海

世忠饑以身免齊還鎮江兀術遂濟江屯于六



勝負合  
艦所以互有

以上水戰而專用火攻者也

劉裕分步騎于西岸破盧循

晉盧循徐道覆率衆數萬方艦而下莫見舳艫  
之際裕悉出輕利鬪艦親提幡鼓命衆軍齊力  
擊之又分步騎于西岸右軍叅軍庾樂生乘艦  
不進斬而拘之于是衆軍並踴踊爭先軍中多  
萬鈎神弩所至莫不摧陷裕自于中流蹙之因  
風水之勢賊艦悉泊西崖西岸上軍先備火具

岸軍投火

乃投火焚之。烟焰翳天。賊衆大敗。初分遣步兵。莫不疑怪。及燒賊艦。衆乃悅服。

杜惠度步兵夾岸破盧循。

雉尾炬

岸兵夾射

循旣敗。遂收餘衆南走交州。刺史杜惠度悉散家財。以賞軍士。與循合戰。擲雉尾炬焚其艦。以步兵夾岸射之。循衆艦俱燃。兵衆大潰。循知不免。先鴆妻子。自投于水。惠度取其尸斬之。并其父子函七首送都下。盧循滅而廣州平。

以上水戰而兼用陸兵者也。



候瑱就順風

反逆為順

反風縱火其

害如此

發拍

牛皮冒蒙衝

鎔鉄洒軍

後梁王琳攻陳文帝命候瑱督諸軍出屯蕪湖。琳師舟師東下去蕪湖十里而泊。擊柝聞于陳軍。候瑱令軍中晨炊蓐食以待之。時西南風起。琳自謂得天助。引兵直趨建康。瑱等徐出蕪湖。躡其後。西南風反為瑱用。琳擲火炬以燒陳船。皆反燒其船。瑱發拍以擊琳艦。又以牛皮冒蒙衝小船以觸其艦。並鎔鉄洒之。琳軍大敗。軍士溺死者什二三。餘皆棄船登岸走。為陳軍所殺。

殆盡

水戰以順風為勢觀此可以類推矣

章昭達據上流

陳閩中守陳寶應舉兵反據建安晉安二郡界  
水陸為柵陳將章昭達討之據其上流命軍士  
伐木帶枝葉為筏施拍其上綴以大索相次列

水筏為營

營夾兩岸寶應挑戰昭達乃按甲不動俄而暴

木筏破柵

雨江水大漲昭達放筏衝突水柵盡破又出兵

攻其步軍寶應大潰遂克定閩中



水戰以上流為勢觀此可以類推矣

吳為鉄鎖截江王濬破之

晉武帝謀伐吳詔王濬脩舟艦乃作大船連舫  
百二十步受二千餘人以木為城起樓櫓開四  
出門上得馳馬往來又畫鷁首怪獸於船首以  
懼江神舟楫之盛自古無有吳為鉄鎖橫截江  
險又作鉄推暗置江中濬知狀乃作大筏數十  
亦方百餘步縛草為人令善水者以筏先行遇

鉄推

大筏破鉄推

大炬破鉄鎖

鉄推輒著筏而去又作大炬長十餘丈大數十

圍灌以麻油。在船前遇鎖，然炬燒斷。於是順風鼓棹，運造三山。

按王濬造巨舟，沿長江而下，其大至方百二十步，受二千餘人。今長江故在，舟行往來者，雖百斛之舟，尚有膠於淺者。今晉舟如許之，大轉動爲難，要非良法也。

魏爲僑柵跨淮，馮道根破之。

魏中山王英與將軍楊大眼等衆數十萬攻梁鍾離城。于邵陽洲南岸爲橋柵數百步，跨淮通。



高艦

閼艦

小船

道英據南岸攻城大眼據北岸立城以通糧運  
梁高祖令曹景宗韋叡將兵救鍾離命豫裝高  
艦使與魏橋等爲火攻之計令景宗與叡攻二  
橋叡攻其南景宗攻其北會淮水暴漲六七尺  
叡使馮道根乘閼艦競發擊魏洲上軍盡殪別  
以小船載車灌之以膏從而焚其橋風怒火盛  
烟塵晦冥敢死之士拔柵斫橋木又漂疾倏忽  
之間橋柵俱盡道根等皆身自搏戰軍人奮勇  
呼聲動天地無不一當百魏軍大敗英見橋絕

脫身棄城走大眼亦燒營去諸壘相次土崩悉  
棄器甲爭投水死者十餘萬斬首亦如之

梁以竹竿聯艨艟斷河李建及被之

梁賀環攻晉德勝南城百道俱進以竹竿聯艨  
艟十餘艘蒙以牛草設暉晚戰格如城狀橫于  
河流以斷晉之救兵使不得渡晉王自引兵馳  
往救之陳于北岸不能進遣善游者入南城見  
守將氏延賞延賞言矢石將盡陷在頃刻晉王  
積金帛于軍門募能破艨艟者衆莫知為計親



死士

斧

水甕載薪沃  
油燃火

巨艦

甲士

將李建及曰賀環悉衆而來冀此一舉若我軍  
不渡則彼為得計今日之事建及請以死決之  
乃遙効節敢死之士三百餘人被鎧操斧乘哥  
而進將至艤舫流矢雨集建及使操斧者人舫  
舫間斧其竹竿又以木甕載薪沃油燃火于上  
流縱之隨以巨艦寔甲士鼓譟攻之艤舫既斷  
隨流而下梁兵焚溺殆半晉兵乃得度環解圍  
走

歐陽紇以竹籠盛沙石置水遏船昭達破之

歐陽紇據嶺南友陳將章昭達督衆軍討之。紇聞昭達奄至，出頓涯口，多聚沙石，盛以竹籠，置干水柵之外，用過船艦。昭達令軍人銜刀潛行水中，以斫竹籠。籠筏皆解，因縱大艦隨流突之。賊衆大敗，因而禽紇。

### 魏以鐵鎖斷河

宋垣護之為鍾離太守，隨王玄謨攻滑臺，護之以百舸為前鋒，進搥石濟。及魏救將至，馳書勸玄謨急攻之，不見從。玄謨敗退，不暇報護之。魏



長柯斧

中流而下故  
不能近

軍以鐵鎖三重斷河以絕護之還路河水迅急  
護之中流而下每至鐵鎖以長柯斧斷之魏人  
不能近唯失一舸餘舸並在

崔延伯以車輪斷淮

隋水之法

梁趙祖悅率水軍偷據峽石後魏崔延伯率兵  
討之延伯夾淮為營遂取車輪去輜削銳其輻  
輈輈接對揉竹絙連貫相屬並十餘道橫水為  
橋兩頭施大轆轤出沒任情不可燒斷既以斷  
祖悅走路又令舟舸不通梁武援兵不能赴救

祖悅被虜軍大潰

王僧辨以大艦斷江

梁湘東王命王僧辯等東擊侯景侯子鑒屯姑孰以拒西師景遣兵助之及戰僧辨麾細船皆令退縮留大艦夾泊兩岸子鑒之衆謂水軍欲退爭出趨之大艦斷其歸路鼓譟大呼合戰中江子鑒大敗

王軌以鐵鎖貫車輪斷清水

陳將吳明徹軍至呂梁周徐州總管梁士彥頻



戰不利。嬰城自守。明徹遂堰清水以灌之。列船  
艦于城下。以圖攻取。詔以王軌爲行軍總管。率  
諸軍赴救。軌引兵輕行。據淮口。令達奚長儒多  
豎大木。以鐵鍊貫車輪。繫以大石。沉之。清水橫  
斷。陳船歸路。明徹乃破堰。遽退。冀乘大水。以得  
入淮。比至清口。川流已濶。水勢亦衰。船並礙于  
車輪。不得復過。軌因率奇兵水陸並發。圍而蹙  
之。唯有騎將蕭摩訶以二十騎先走得免。明徹  
及將士二萬餘人。並器械輜重。並就俘獲。

以上皆謀斷水者也

### 浮梁渡江

初唐池州人樊若水累舉進士不第遂謀歸宋乃漁釣采石江上月夜乘小舟載絲繩維南岸疾棹抵北岸以度江之廣狹尋詣汴上書言江南可取狀請造浮梁以濟師宋主然之遣內侍往荆湖造黃黑龍船數千艘以大艦載大竹組自荆渚而下命丁匠營之三日橋成議者以為自古未有作浮梁渡江者宋主不聽師南下以



若水為嚮導既克池州即用為知州若水請試  
舟於石牌坊移置采石梁成不差尺寸宋師因  
以濟江若履平地

以上則謀濟水者也

# 兵夫列船式

## 總引

平時在船四面各兵各器長短相間外向而立  
如遇賊即隨賊所在之面併力動手無賊之面  
亦留二人防看





每船器械

大佛郎機六座

鳥嘴銃一十門

粗火藥四百斤

大小鉛彈三百斤

藥弩一十張

寧波弓鎮江弓

鈎鐮一百把

絮被二十床

噴筒六十箇

鳥銃火藥一百斤

火磚一百塊

火箭三百枝

弩箭五百枝

點剛箭

弓箭各兵皆宜  
自帶不開數目

標鎗一百枝

藤牌二十面

大旗一面并號帶

大篷一扇

小篷一扇

大櫓二張

舵二門

大鼓一面

銅鑼一百

指南針一盤

燈籠十盞

火繩六十根

鐵鍬四把

鐵鋸四把

鐵鎖四把

鐵鑿四把

捕盜自備

釘四十斤

油五十斤



麻六十斤

灰三擔

各兵自備

盔一頂

甲一領

腰斧二口

蓑衣箬笠一副

右每船兵夫器械等件俱如前式隨船大小  
增減

